



Broj: 01-51/23
Vareš, 28.02.2023. godine

Z A P I S N I K
sa 22. sjednice Općinskog vijeća Vareš,
održane 31.01. 2023. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović i Nikola Šimić.

Odsutni: Salih Memić i Edib Zubača.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 22. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Čedomir Jelić, gosp. Ibrahim Spahić, rukovodilac JURA – gosp. Rusmir Berberović, zamjenica komandira PS Vareš – gosp. Vesna Lukić i predstavnici medija.

Sekretar OV Leon Pavlović izvijestio je Vijeće da na 21. sjednici OV održanoj 29.12.2022. godine nije bilo zaključaka, postavljena su četiri (4) vijećnička pitanja. Podnosiocu pitanja i svim ostalim vijećnicima dostavljen je pisani odgovor na vijećničko pitanje. Podnesena je jedna (1) Inicijativa koja se odnosi na izgradnju, rekonstrukciju i prenamjenu objekta Kino sale u Centar za mlade, na istu je dostavljen odgovor.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Nije bilo izjašnjavanja vijećnika.

(Vijećnička pitanja i Inicijative)

Dario Dodik

1. Moje pitanje se odnosi na zimsko održavanje ulice Pruga, koja je očišćena do trgovačke radnje, dok niti jedan krak niti lijevi niti desni nije očišćen. Ja pitam da li je ta ulica sad izbrisana iz zimskog održavanja i da li će se nabaviti stroj za čišćenje uskih ulica, o čijoj nabavci je OV donijelo i Zaključak i dato je obećanje od strane načelnika i direktora JKP d.o.o. Vareš?

Amela Brkić

2. Moje pitanje se odnosi na održavanje puteva, tačnije regionalni put R-444. Kakva je nadležnost Općine i Općinskih službi nad kvalitetom posipnog materijala i njegove granulacije, da li je u skladu sa standardima? Osim toga, ko ide prema Odvoju svjedok je neodržavanja puteva, jer i taj put R-444 trebao bi da se održava isto kao i ostala kompleta dionica.
3. Zamoljena sam od strane građana, prvenstveno od radnika kompanije Alma Ras koji nemaju rasvjetu u ulici koja vodi do pomenute kompanije a koji rade u dvije smjene. Postoji li mogućnost za postavljanje jedne ili dvije sijalice, s obzirom da im je u blizini i policija a ujedno tu rade žene i centar je grada?

Nazif Hajrić

4. Na prethodnim sjednicama smo spominjali i tražili rasvjetu u MZ Striježvo, zaseok Radonjići. Pa me zanima da li će u tekućoj godini doći do realizacije, pošto znamo da su sada loši vremenski uslovi i da sada nije povoljno da se to radi?

Sahudina Beganović

5. Pozivam Jedinstveni Općinski organ da preko svojih Službi uputi Inicijativu lokalnoj Direkciji za ceste, da izvrši popravku odvodnih kanala na lokalitetu ispod groblja u Vareš Majdanu. Od izvora vode za piće pa do šahta za prikupljanje oborinskih voda.

Nurđin Begović

6. Postoji li mogućnost da Dječije obdanište Vareš angažuje logopeda koji bi radio, ako ništa, dva dana u toku sedmice?
7. Koje radnje su poduzete i kakav materijal je korišten za popravku krova zgrade S-32? Da li je tačno da je samo jedan dio krova zgrade adekvatno izmijenjen/promijenjen iako je čitav podlozan hitnoj rekonstrukciji?

Dario Dodik

8. Do kada je bio rok za završetak radova na mostu na pijaci i stepeništa u Zukićima? Pošto sam obaviješten da su potpisani ugovori da su i izvođači izvršili neke dijelove tog ugovora ali da ovaj zadnji dio nije završen. Do kada je bio rok, da li su bili ugovoreni penali i ukoliko je proteklo to vrijeme da li se krenulo u naplatu tih penala?

Inicijativa

Dario Dodik

1. Da se pokrene procedura za izmjene i dopune Poslovnika o radu Općinskog vijeća Vareš. Predložene izmjene i dopune odnose se na član 77. Poslovnika.

Iza stava (4) dodaje se novi stav (5) koji glasi: „Odgovor na vijećničko pitanje može se dati vijećniku usmeno na samoj sjednici na kojoj je pitanje postavljeno, ukoliko istoj prisustvuje izvijestilac kome je pitanje postavljeno. Vijećnik može tražiti da se usmeno dati odgovor dostavi i u pismenoj formi do naredne sjednice.“

Dosadašnji stavovi (5), (6) i (7) preimenuje se u stavove (6), (7) i (8)

Pored navedenog predlažem da se ovim izmjenama i dopunama Poslovnika o radu Općinskog vijeća Vareš obuhvate i drugi prijedlozi koji su eventualno dostavljeni u proteklom periodu, odnosno da se vijećnici i drugi ovlašteni predlagači pozovu da dostave svoje prijedloge za izmjene i dopune Poslovnika. (Inicijativa podnesena pisanim putem)

Predsjedavajuća OV stavila je na raspravu Zapisnik sa 21. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 21. sjednice OV i nakon izjašnjavanja vijećnika konstatuje da je **jednoglasno sa 17 glasova „ZA“ usvojen Zapisnik sa 21. sjednice OV.**

Predsjedavajuća OV stavila je na raspravu prijedlog dnevnog reda 22. sjednice OV koji je usuglašen na Kolegiju Općinskog vijeća.

Predsjedavajuća OV uz dato pojašnjenje predložila je dopunu dnevnog reda sa tačkom 12. „Prijedlog Rješenja o razrješenju člana Upravnog odbora JU Dom zdravlja Vareš i Prijedlog Rješenja o imenovanju vršioca dužnosti člana Upravnog odbora JU Dom zdravlja Vareš.“

Nije više bilo učesnika i predsjedavajuća OV stavila je na izjašnjavanje prijedlog dnevnog reda 22. sjednice OV sa predloženom dopunom i nakon izjašnjavanja vijećnika konstatuje da je **jednoglasno sa 17 glasova „ZA“ usvojen sljedeći**

Dnevni red

1. Informacija o radu Policijske stanice Vareš sa ocjenom stanja bezbjednosti za 2022. godinu.
Izvjestilac: PS Vareš.
2. Prijedlog Programa rada Općinskog načelnika za 2023. godinu.
Izvjestilac: Općinski načelnik.
3. Prijedlog Odluke o prosječnoj konačnoj cijeni m² korisne stambene površine na području općine Vareš za 2022. godinu.
Izvjestilac: Ermin Musa.

4. Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet uz regionalni put R 444a, Vareš-Pogar, k.č. broj: 14/2).
Izvestilac: Ermin Musa.
5. Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet Ljepovići, k.č. broj: 163/7).
Izvestilac: Ermin Musa.
6. Prijedlog Odluke o raspoređivanju sredstava za finansiranje rada mjesnih zajednica u 2023. godini.
Izvestilac: Čedomir Jelić.
7. Prijedlog Odluke o dodjeli sredstava vjerskim zajednicama sa područja općine Vareš za 2023. godinu.
Izvestilac: Čedomir Jelić.
8. Prijedlog Odluke o izmjeni Odluke o dodjeli jednokratne novčane pomoći svakom novorođenom djetetu.
Izvestilac: Čedomir Jelić.
9. Prijedlog Odluke o raspodjeli sredstava za političke stranke i Klubove vijećnika u Općinskom vijeću Vareš iz budžeta Općine Vareš za 2023. godinu.
Izvestilac: Sekretar OV.
10. Prijedlog Odluke o pokretanju postupka za izmjene i dopune Statuta Općine Vareš.
Izvestilac: Sekretar OV.
11. Izvještaj o realizaciji Programa rada Općinskog vijeća Vareš za 2022. godinu.
Izvestilac: Sekretar OV.
12. Prijedlog Rješenja o razrješenju člana Upravnog odbora JU Dom zdravlja Vareš i Prijedlog Rješenja o imenovanju vršioca dužnosti člana Upravnog odbora JU Dom zdravlja Vareš.
Izvestilac: Sekretar OV.
13. Tekuća pitanja.

Ad. 1.

(Informacija o radu Policijske stanice Vareš sa ocjenom stanja bezbjednosti za 2022. godinu.)

Izvestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije i pitanja iznijeli vijećnici: Nedžad Mušanović (*izjavio da Klub SDA podržava ovu Informaciju i prima je k znanju*), Dario Dodik (*skrenuo pažnju na neusaglašenost brojeva i cifara u jednom dijelu Informacije, podsjetio da u Informaciji o radu PS Vareš za 2021. godinu nije bio naveden prestup policajca pod poljem „zakonitost o radu“ i da mu je tada rečeno da postupak nije završen i*

da će se taj podatak prenijeti u slijedeću Informaciju, tog podatka nema u Informaciji PS Vareš za 2022. godinu, iznio problematiku građana koji dolaze iz dijaspora a u vezi učestalog zaustavljanja vozila od uposlenika PS Vareš, skrenuo pažnju na pojedine saobraćane nesreće koje se dešavaju zbog neadekvatnog održavanja puteva), Amela Brkić (zahvalila se PS Vareš na profesionalnom radu), Maja Berberović (podsjetila na svoju inicijativu vezano za postavljanje kamera u gradu, nada se da će u toku godine ista biti realizovana i tako biti olakšan rad policijskih službenika) i Nurdin Begović (postavio pitanje predstavniku PS Vareš „U suštini koliko bi vama posjedovanje adekvatne Odluke o parking mjestima i Odluke o bezbjednosti saobraćaja zaista pomoglo?“).

Općinski načelnik Zdravko Marošević u svom obraćanju izjavio je da je stanje u našoj općini i podaci koji su u navedeni Informaciji u poređenju sa nekim drugim općinama jako dobro. Svjestan je da se policija susreće sa problemima kad je u pitanju poštivanje saobraćajnih propisa, regulative i zadovoljavanja naših potreba. Skrenuo je pažnju i iznio neke primjedbe koje se odnose na javni red i mir odnosno sačinjavanje zapisnika policije, da određeni broj policajaca na terenu preuzimaju savjetničku ulogu.

Zamjenica komandira PS Vareš gosp. Vesna Lukić u svom obraćanju odgovorila je na postavljena pitanja vijećnika u raspravi i dala dodatna pojašnjenja. Na postavljeno pitanje vijećnika Daria Dodik u vezi zakonitosti o radu izjavila je da vijećnik može uputiti Upit PS Vareš da se dostavi informacija. Zahvalila se svima na saradnji.

Vijećnik Dario Dodik ispred Kluba uputio sugestiju prema PS Vareš da li se može u narednom periodu za sljedeću Informaciju o radu PS Vareš, dobiti informacija posebno o šumskim krađama i informaciju za prekršajne naloge koji su izrečeni osobama koje vrše sječu pa rade blokadu puta.

Zamjenica komandira PS Vareš gosp. Vesna Lukić na upućenu sugestiju izjavila je da će se podaci o šumskim krađama i prekršajnim nalogima pokušati uvrstiti u Informaciju i dostaviti Vijeću.

Predsjedavajuća OV izjavila je da Vijeće očekuje da će PS Vareš uvažiti sugestije vijećnika iznesene u raspravi i konstatuje uz Zaključak da je **Vijeće primilo k znanju**

***Informaciju o radu Policijske stanice Vareš sa
ocjenom stanja bezbjednosti za 2022. godinu.***

Ad. 2.

(Prijedlog Programa rada Općinskog načelnika za 2023. godinu.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjenje Prijedlog Programa rada Općinskog načelnika za 2023. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojen**

Program rada Općinskog načelnika za 2023. godinu.

Ad. 3.

(Prijedlog Odluke o prosječnoj konačnoj cijeni m² korisne stambene površine na području općine Vareš za 2022. godinu.)

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o prosječnoj konačnoj cijeni m² korisne stambene površine na području općine Vareš za 2022. godinu i isti upućuje Vijeću na razmatranje.**

Pomoćnik načelnika Ermin Musa dao je dodatno pojašnjenje za ovu tačku dnevnog reda i upoznao Vijeće sa usporednim pokazateljima cijena u odnosu na susjedne općine.

Otvorena je rasprava u kojoj su učestvovali vijećnici: Dario Dodik (*predložio uz dato pojašnjenje da se cijena m² sa 1000,00 KM smanji na 900,00 KM*), Općinski načelnik Zdravko Marošević (*u svom obraćanju dao je pojašnjenje o razlozima visine cijene m² korisne stambene površine i da je na Vijeću da odluči o istoj*), Dario Dodik (*replika*), Općinski načelnik Zdravko Marošević (*replika*) i Emir Islamović (*izjavio je da Klub vijećnika SDA prihvata Odluku u predloženoj formi*).

Zaključena je rasprava i predsjedavajuća OV stavila je na izjašnjavanje Prijedlog Odluke o prosječnoj konačnoj cijeni m² korisne stambene površine na području općine Vareš za 2022. godinu.

Nakon izjašnjavanja vijećnika predsjedavajuća OV konstatuje da je sa **15 glasova „ZA“ i 1 „SUZDRŽANIM“ glasom** (odsutan vijećnik Nurdin Begović) **usvojena**

Odluka o prosječnoj konačnoj cijeni m² korisne stambene površine na području općine Vareš za 2022. godinu.

Ad.4.

(Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet uz regionalni put R 444a, Vareš-Pogar, k.č. broj: 14/2)

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet uz regionalni put R 444a, Vareš-Pogar, k.č. broj: 14/2) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet uz regionalni put R 444a, Vareš-Pogar, k.č. broj: 14/2).

Nakon izjašnjavanja vijećnika predsjedavajuća OV konstatuje da je **jednoglasno sa 16 glasova „ZA“** (odsutan vijećnik Nurdin Begović) **usvojena**

Odluka o načinu i uslovima raspolaganja nekretninama u vlasništvu Općine Vareš (lokalitet uz regionalni put R 444a, Vareš-Pogar, k.č. broj: 14/2)

Ad.5.

(Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet Ljepovići, k.č. broj: 163/7).

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet Ljepovići, k.č. broj: 163/7) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (lokalitet Ljepovići, k.č. broj: 163/7).

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

Odluka o načinu i uslovima raspolaganja nekretninama u vlasništvu Općine Vareš (lokalitet Ljepovići, k.č. broj: 163/7).

Ad.6.

(Prijedlog Odluke o raspoređivanju sredstava za finansiranje rada mjesnih zajednica u 2023. godini.)

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o raspoređivanju sredstava za finansiranje rada mjesnih zajednica u 2023. godinu, s tim da se izvrši tehnička ispravka u članu 6. stav 3. da se riječ „tekućoj“ zamijeni sa riječju „narednoj“ i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o raspoređivanju sredstava za finansiranje rada mjesnih zajednica u 2023. godini.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o raspoređivanju sredstava za
finansiranje rada mjesnih zajednica u 2023. godini.***

Ad.7.

*(Prijedlog Odluke o dodjeli sredstava vjerskim
zajednicama sa područja općine Vareš za 2023. godinu.)*

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o dodjeli sredstava vjerskim zajednicama sa područja općine Vareš za 2023. godinu, s tim da se izvrši tehnička ispravka u članu 4. stav 3. da se riječ „tekućoj“ zamijeni sa riječju „narednoj“ i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o dodjeli sredstava vjerskim zajednicama sa područja općine Vareš za 2023. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o dodjeli sredstava vjerskim
zajednicama sa područja općine Vareš za 2023. godinu.***

Ad.8.

*(Prijedlog Odluke o izmjeni Odluke o dodjeli
jednokratne novčane pomoći svakom novorođenom djetetu.)*

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o izmjeni Odluke o dodjeli jednokratne novčane pomoći svakom novorođenom djetetu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik uz dodatno pojašnjenje predložio da se naknade jednokratne pomoći povećaju i to: *iznos od 250, 00 KM povećati na 350,00 KM, iznos od 350,00 povećati na 450,00 KM, iznos od 400,00 KM povećati na 500,00 KM i iznos od 450,00 povećati na 600,00 KM.*

Pomoćnik načelnika Čedomir Jelić u svom obraćanju izjavio je da predlagatelj podržava izneseni prijedlog.

Zaključena je rasprava i predsjedavajuća OV stavila je na izjašnjavanje Prijedlog Odluke o izmjeni Odluke o dodjeli jednokratne novčane pomoći svakom novorođenom djetetu sa predloženom izmjenom.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o izmjeni Odluke o dodjeli
jednokratne novčane pomoći svakom novorođenom djetetu.***

Ad.9.

*(Prijedlog Odluke o raspodjeli sredstava za političke stranke i Klubove
vijećnika u Općinskom vijeću Vareš iz budžeta Općine Vareš za 2023. godinu.)*

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o raspodjeli sredstava za političke stranke i Klubove vijećnika u Općinskom vijeću Vareš iz budžeta Općine Vareš za 2023. godinu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o raspodjeli sredstava za političke stranke i Klubove vijećnika u Općinskom vijeću Vareš iz budžeta Općine Vareš za 2023. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o raspodjeli sredstava za političke stranke i Klubove
vijećnika u Općinskom vijeću Vareš iz budžeta Općine Vareš za 2023. godinu.***

Ad.10.

*(Prijedlog Odluke o pokretanju postupka
za izmjene i dopune Statuta Općine Vareš.)*

Komisija za statutarna pitanja i propise na 18. sjednici održanoj 25.01.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o pokretanju postupka za izmjene i dopune Statuta Općine Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Emir Islamović postavio pitanje koji su razlozi za izmjene i dopune Statuta Općine Vareš.

Sekretar OV u svom obraćanju dao je dodatno pojašnjenje za ovu tačku dnevnog reda i odgovorio na postavljeno pitanje vijećnika.

Zaključena je rasprava i predsjedavajuća OV stavila je na izjašnjavanje Prijedlog Odluke o pokretanju postupka za izmjene i dopune Statuta Općine Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o pokretanju postupka
za izmjene i dopune Statuta Općine Vareš.***

Ad.11.

(Izvjestaj o realizaciji Programa rada Općinskog vijeća Vareš za 2022. godinu.)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izvjestaj o realizaciji Programa rada Općinskog vijeća Vareš za 2022. Godinu.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojen**

***Izvjestaj o realizaciji Programa rada
Općinskog vijeća Vareš za 2022. godinu.***

Ad.12.

*(Prijedlog Rješenja o razrješenju člana
Upravnog odbora JU Dom zdravlja Vareš i
Prijedlog Rješenja o imenovanju vršioca dužnosti
člana Upravnog odbora JU Dom zdravlja Vareš.)*

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

Rješenje o razrješenju člana Upravnog odbora JU Dom zdravlja Vareš.

Predsjedavajuća OV stavila je na izjašnjavanje Prijedlog Rješenja o imenovanju vršioca dužnosti člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

***Rješenje o imenovanju vršioca dužnosti
člana Upravnog odbora JU Dom zdravlja Vareš.***

**Ad.13.
(Tekuća pitanja.)**

Predsjedavajuća OV upoznala je prisutne sa pristiglom poštom i to:

1. Prijedlog članova za Komisiju za postupak i procedure vezane za spomenik svim civilnim žrtvama rata općine Vareš, broj:01-01/23 od 10.01.2023. godine dostavljen od vijećnice Sahudine Beganović po Zaključku Kolegija OV na 21. sjednici.

Predsjedavajuća OV otvorila je raspravu po dostavljenom prijedlogu za članove Komisije. Nije bilo učesnika u raspravi.

Predsjedavajuća OV stavila je na izjašnjavanje prijedlog članova Komisije i nakon izjašnjavanja vijećnika konstatuje da je **jednoglasno sa 17 glasova „ZA“ imenovana Komisija za postupak i procedure vezane za spomenik svim civilnim žrtvama rata općine Vareš u sastavu:**

- 1.Beganović Sahudina, predsjednica**
- 2.Franjkić Čedomir, zamjenik predsjednice,**
- 3.Librić Sabina, član**
- 4.Semunović Divna, član**
- 5.Kamenjaš Refik, član**

Predsjedavajuća OV skrenula je pažnju na potrebu donošenja Zaključka u kome moraju biti određeni jasni zadaci ove Komisije i u vezi s tim pozvala je gosp. Sahudinu Beganović da Vijeće upozna koji su to zadaci i koji je optimalni rok koji se treba dati Komisiji za ovaj zadatak.

Vijećnica Sahudina Beganović u svom obraćanju predložila je da rok bude 4 mjeseca i da se organizuje okrugli sto na tu temu, da se pozovu ljudi i razgovorom da se dođe do konačnog rješenja u ta četiri mjeseca. Konkretni zadatak Komisije je da se usaglasi izgled spomenika, šta će na spomeniku da piše, lokacija i sl.

Sekretar OV skrenuo je pažnju da se u Rješenju kao pravnom aktu moraju navesti zadaci Komisije i rok za realizaciju. Smatra da Vijeće treba donijeti Zaključak da za narednu sjednicu OV, Vijeću se ponudi Prijedlog Rješenja kako bi Vijeće moglo isti razmotriti i uputi eventualne sugestije, dopune ili izmjene.

Predsjedavajuća OV na osnovu rasprave predložila je i stavila na izjašnjavanje sljedeći

Zaključak:

- **Sekretar OV i gosp. Sahudina Beganović Vijeću će za narednu sjednicu dostaviti na razmatranje Prijedlog Rješenja Komisije za postupak i procedure vezane za spomenik svim civilnim žrtvama rata općine Vareš sa navedenim zadacima i rokom izvršenja.**

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“ usvojen predloženi Zaključak.**

2. Vijećnik Dario Dodik u svom obraćanju iznio je svoje mišljenje vezano za zapošljavanje tri vijećnika u Jedinstveni općinski organ Općine Vareš i Javnu ustanovu Centar za kulturu i edukaciju Vareš. Postavio je pitanje „da li ste vi kao pozicija upoznati sa ovim zapošljavanjem i da li ste se složili sa takvim djelovanjem?“

Predsjedavajuća OV izjavila je da je to načelnikovo potpuno diskreciono pravo i da ona, a mišljenja je i da niko od kolega nije učestvovao u dogovorima i pregovorima. Načelnik je iskoristio svoje ovlasti. Sva ostala pitanja vijećnik može uputiti Načelniku kada bude prisutan.

Vijećnik Dario Dodik skrenuo je pažnju na član 66. Poslovnika oradu OV u kome je navedeno da Općinski načelnik i načelnici općinskih službi su dužni da sudjeluju u radu sjednica.

Vijećnik Emir Islamović u svom obraćanju izjavio je da SDA nije razgovarala sa Načelnikom, pojedini vijećnici sigurno jesu razgovarali o svom statusu.

Predsjedavajuća OV sugerisala je vijećnicima, obzirom da Načelnik nije prisutan , a on jedini može dati odgovore na postavljena pitanja, da se ne rasplinjuje rasprava.

Zamjenik predsjedavajuće OV Mirnes Ajanović u svom obraćanju iznio je svoje mišljenje i izjavio je da smatra da dešavanja o kojima se govori vezano za zapošljavanje vijećnika svakako imaju političku pozadinu ili neku skrivenu politiku. Poziva da se uspostavi neka nova većina. Izjavio je da će SDP u narednom periodu i na zvaničan način se odrediti po pitanju ove problematike.

Predsjedavajuća OV izjavila je da se nada da će pomoćnici upoznati načelnika sa raspravom i da će to možda biti tematika na narednoj sjednici OV.

Vijećnik Dario Dodik (replika).

3. Vijećnica Amela Brkić apeluje na JU Dom zdravlja Vareš da pacijente starije životne dobi koji imaju potrebu za specijalistički pregled, naručuju kod istih u što kraćem vremenskom periodu. O istom je dala pojašnjenje.

Sastavni dio ovog Zapisnika je audio zapis sjednice.

Sjednica je završena u 17.10 sati.

S E K R E T A R

Leon Pavlović

ZAPISNIČAR

Azra Pijadžer

**PREDSJEDAVALA
OPĆINSKOG VIJEĆA**

Mahira Brkić